

Յուլիտեմբեր 2008



Հատուկ կարիքներով մարդկանց աջակցության «Ունիսոն» հասարակական կազմակերպություն

Սիրվարդ Լևոնյան,
հաշմանդամ կանանց
գեղեցկության 4-րդ
հանրապետական
ֆոտոմրցույթի հաղթող

Ամփոփվեցին
հաշմանդամների
մրցույթների
արդյունքները

→ Էջ 2

Լուսանկարը՝ Կարեն Մխչատյանի



Ստեղծագործական ներուժի և գեղեցկության բացահայտում

Ամփոփվեցին հաշմանդամների մրցույթների արդյունքները

Հոկտեմբերի 10-ին Կամերային երաժշտության տան դահլիճում տիրում էր աննախադեպ աշխուժություն: Հաշմանդամ կանանց գեղեցկության 4-րդ հանրապետական ֆոտոմրցույթի և հաշմանդամ ստեղծագործողների ձեռքի աշխատանքների մրցույթի մրցանակաբաշխության հանդիսավոր արարողությունը համախմբել էր տարբեր նախասիրություններ ունեցող բազմաթիվ հաշմանդամ և ոչ-հաշմանդամ մարդկանց:

Երկու մրցույթներն էլ ՀՀ մշակույթի նախարարության աջակցությամբ անցկացրել էր «Ունիսոն» հասարակական կազմակերպությունը երկրաշարժի 20-ամյա տարելիցին նվիրված միջոցառումների շրջանակներում:

Այս տարի գեղեցկության ֆոտոմրցույթին մասնակցության հայտ էին ներկայացրել Երևանից և Հայաստանի 8 մարզերից 16-40 տարեկան 42 հաշմանդամ աղջիկներ և կանայք:



Ժյուրիի կազմում ընդգրկվեցին անվանի գործիչներ լրագրող Արթուր Բախտամյանը, ՀՀ վաստակավոր արտիստուհի, երգչուհի Աննա Մայիլյանը, նկարիչ և երգահան Մարտին Ահարոնյանը, հրապարակախոս Հակոբ Մարտունին: Ժյուրիի նախագահի դերը ստանձնել էր բանասիրական գիտությունների թեկնածու, Լեզվաբանական համալսարանի դոցենտ, հեռուստալրագրող Ջավեն Հարությունյանը:

Միսս Գեղեցկություն – 2008 տիտղոսին արժանացավ Երևանի բնակչուհի Սիրվարդ Լևոնյանը, որը ժյուրիի անդամներին գերել էր հմայիչ ժպիտով և աննկարագրելի գեղեցկությամբ: Ի դեպ, աղջիկներից ոմանց համար օրը լի էր կրկնակի անակնալներով: Մասնավորապես, Վիցենտին Նարինե Դուկասյանը և Միսս ժպիտ Աննա Թադևոսյանը մրցանակների արժանացան նաև հաշմանդամ ստեղծագործողների ձեռքի աշխատանքների մրցույթում:

Միսս Կամք հռչակվեց Սպիտակի բնակչուհի Արմենուհի Արմենակյանը, որն հիրավի տոկուն և կենսախիճ բնավորության տեր անձնավորություն է: Խրախուսական մրցանակների

արժանացան Գոհար Նավասարդյանը (Վայոց Ձորի մարզ, գ.Գլաձոր),



Լուարա Սիմոնյանը (Արմավիր), Անա-հիտ Խաչատրյանը (Երևան), Քրիստինե Աղանյանը (Գյումրի), Ամալյա Գևորգյանը (Սպիտակ) և Հենրիետ-տա Խաչատրյանը (Արմավիրի մարզ, գ.Այգեկ):



Հաշմանդամ ստեղծագործողների ձեռքի աշխատանքների 2-րդ հանրապետական մրցույթին ներկայացված էին Երևանում և Հայաստանի 5 մարզերում բնակվող հեղինակների 200-ից ավել ստեղծագործություններ: Ստեղծագործական մրցույթի ժյուրիի կազմում ընդգրկվեցին անվանի արվեստաբաններ քանդակագործ, ցուցահանդեսների կազմակերպիչ Հերիքնազ Գալստյանը, ասեղնագործ, ժողովրդական վարպետ Անահիտ Իսունցը և Հայաստանի ժողովրդական արվեստի թանգարանի տնօրեն Սարո Սարուխանյանը (Ժյուրիի նախագահ):



Հայտարարված երեք անվանակարգերում և «Երկրաշարժն իմ աչքերով» հատուկ անվանակարգում աշխատանքներից լավագույնները արժանացան ժյուրիի զովասանքի և արժեքավոր մրցանակների: «Գորելեն և ասեղնագործություն» անվանակարգում գլխավոր մրցանակը վաստակեց Սոնա Մարդունյանը, իսկ մնա-

ցած տեղերը բաշխվեցին հետևյալ կերպ՝ Աշոտ Կարապետյան (առաջին մրցանակ), Աիդա Մխիթարյան (երկրորդ մրցանակ), և Աննա Թադևոսյան (երրորդ մրցանակ): «Փորագրություն, խեցեգործություն և բատիկա» անվա-



նակարգում մրցանակների արժանացան Արսեն Ասատրյանը (գլխավոր մրցանակ), Արմինե Բաղդասարյանը (առաջին մրցանակ), Շուշան Հեպինյանը (երկրորդ մրցանակ) և Արելիկ Ազարյանը («Երկրաշարժն իմ աչքերով» թեմայով գլխավոր մրցանակ): «Գեղանկարչություն» անվանակարգում գլխավոր մրցանակի արժանացավ Նարինե Դուկասյանը, առաջին մրցանակի Հայկ Կակոսյանը, երկրորդ մրցանակի Կարեն Քյանդարյանը, իսկ «Երկրաշարժն իմ աչքերով» անվանակարգում հաղթեց Հակոբ Հայրապետյանը:

Մրցույթներին ինֆորմացիոն աջակցություն ցուցաբերեցին «Երկիր Մեդիա» հեռուստաընկերությունը և «Երևան-FM» ռադիոկայանը, իսկ մրցանակները տրամադրեցին «Փարոս» Հիմնադրամը (ԱՄՆ), «Նոյյան Տապան» և «Զիզգագ» խանութները, «Ռենուար» բուտիկ-սրահը և «Դարմ» ընկերությունը:



Գլխավոր խմբագիր
Արմեն Ալավերդյան
Հրապարակումը պատրաստեցին
Դավիթ Բաբայան
Մարիաննա Չալիկյան
Իզաբելլա Կարապետյան
Հասցե՝ «Ունիսոն» ՀՎ, Երևան
0002, Դեմիրձյան 36
Հեռ./ֆաքս՝ (010) 52-21-70
Վեբ-կայք՝ www.unison.am
Էլ. փոստ՝ unison@unison.am